



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

Ք. Երևան, Խորենացու 7

< 26 > մայիսի 2016թ.

Ո Ր Ո Շ ՈՒ Մ No. 369 /02

**Հարկ վճարողից ժամանակին չվճարված հարկային պարտավորությունների
գծով վճարման ենթակա գումարը գանձելու մասին**

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով <<ԿԱՍՍԱ ԿԱԼԴԱ ԱՄ>> ՍՊԸ-ի վերաբերյալ վարչական վարույթի նյութերը.

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԿԱՍՍԱ ԿԱԼԴԱ ԱՄ>> ՍՊԸ-ի /ՀՎՀՀ 00453216, գործունեության հասցեն ք. Երևան, Նար Դոսի 34 / չկատարված հարկային պարտավորությունները 20.05.2016թ. դրությամբ կազմել է 300.000 դրամ:

Պարտավորությունն ամբողջությամբ <<Հարկերի մասին>> ՀՀ օրենքի 28-րդ հոդվածով առաջադրված տուգանքի գումար է: Պարտավորությունն առաջացել է Հայաստանի Հանրապետության ֆինանսների նախարարության օպերատիվ հետախուզության և ներքին անվտանգության գլխավոր վարչության օպերատիվ հետախուզության վարչության կողմից 24.03.2016թ-ին կազմված N 1430151 վարչական ակտով առաջադրված գումարը մասնակիորեն վճարելու հետևանքով, որն ենթակա է գանձման:

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ <<ԿԱՍՍԱ ԿԱԼԴԱ ԱՄ>> ՍՊԸ-ի չկատարված հարկային պարտավորությունները գանձելու վերաբերյալ՝ <<Հարկերի մասին>> ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 12.05.2016 թվականին ընկերության տնօրենը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումն ենթակա է անհապաղ կատարման:

Վերոգրյալի հիման վրա, ղեկավարվելով <<Հարկերի մասին>> ՀՀ օրենքի 29՝ հոդվածով, <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԿԱՍՍԱ ԿԱԼԴԱ ԱՄ>> ՍՊԸ-ից գանձել 300.000 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:

3. Որոշման օրինակն եռօրյա ժամկետում ուղարկել /ֆիզ. անձին կամ/ հարկ վճարողին:

4. Սույն որոշումն ուժի մեջ է մտնում <Վարչարարության հիմունքների և վարչական վարույթի մասին> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:

5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ <Վարչարարության հիմունքների և վարչական վարույթի մասին> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ 2-րդ բաժնի գլխավոր
մասնագետ Լ.Սողոյան
հեռ. 060 549-202